



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 148. Hæresis unde dicta, & quid sit.

[urn:nbn:de:hbz:466:1-73982](#)

committente adulterium cum Christiana etiam soluta, & meretrice, Clarus sentit, illum gravius puniendum, quam disponat statutum, censetque illum damnandum perpetuò ad tritemes; vide eundem L. 5. v. forniciatio. n. 26. Judæum tamen contahentem incestas nupias in gradu prohibito, permisla tamen lege Mosaica, non puniendum, tradit Clarus L. 5. §. incestus. cùm Judæi non servent. L. nemo it. I. de Judæis, ut Authorès scribentes in eam Leg. De cætero, num Judæus post suscepimus Baptismum non in fraudem post commissum

delictum de eo puniri possit pena temporali, controversum est inter Authorès in sententiam negativam, tanquam æquorem, & Religioni nostræ magis faventem & attrahentem Judæos ad conversionem inclinare se, dicit Clar. L. 5. §. fin. §. 51. n. 19.

Quest. 147. Utrum Judæi, aliique Infideles confugientes ad Ecclesiæ, gaudient immunitate asyli.

R Esp. Ad hanc questionem sufficienter responsum in L. 3. decret. q. 1017.

TITULUS VII.

De Hæreticis.

C A P U T I.

De Hæresi & Hæreticis, eorumque credentibus, receptoribus, fautoribus.

Quest. 148. Hæresis unde dicta, & quid sit.

REsp. Hæresis dicta ab *ægæouai*, capio, eligo, quasi pro libero arbitrio facta electio opinionis alicuius novæ contra fidem, Isidor. L. 8. *Etymolog.* c. 3. Roias. tr. de heret. sing. 73. *Lit. H.* loquendo de hæresi formalis, si melius definiri potest, quod sit error voluntarius, quem homo baptizatus perinaciter tenet contra veritatem aliquam fidei Catholicae, ita ferè D. Thom. 2. 2. q. 11. a. 1. Farin. in prax. crim. q. 178. n. 5. Sanch. L. 2. mor. c. 7. n. 1. Barb. b. t. in princ. n. 4.

2. Dicitur primò: *error*, hoc est, erronea opinio, vel iudicium intellectus, unde, qui metu mortis, aut alia ex causa astruit aliquid fidei contrarium sine interno mentis assensu, quo verum credit, quod ore profert, etiæ graviter peccet contra præceptum profundi fidei, verè & propriè Hæreticus non est; quia actum nullum intellectus, per quem judicet, id verum esse, habet, censetur tamen in foro externo Hæreticus, & ut talis puniretur, Sanch. l. c. n. 8. Nav. in man. c. 27. n. 56. Item dubius quatenus præcisè super articulo aliquo fidei sibi sufficienter proposito, suspendit suum iudicium, id est, neque assensit, esse verum, neque dissentit seu negat, esse verum, quia talis non est Hæreticus, ed, quod taliter non eligit, seu adhæret opinioni fidei contraria; sicut autem fides importat actum intellectus, nimicum positivum assensum, ita & fidei opposita hæresis actum positivum, nimicum dissensum importare debet, ita docent Diana resol. mor. p. 2. tr. 2. miscel. resol. 53. Malder. 22. q. 11. a. 2. memb. 2. §. respondeo. Sanch. l. c. n. 12. favetque Sa. v. hæresis. n. 1. nihilominus peccare talem graviter, cui repræsentatur objectum fidei, & rationes sufficienter moventes ad assensum, pro tempore, quod teneat elicere fidem, si non desinat suspendere suum iudicium, dicendum videtur. Verum tamen quatenus talis dubitans eo ipso simul habet iudicium, quod judicat tale objectum, seu articulum, circa quem suspendit suum assensum, non esse certum, seu non esse dignum, cui firmiter & infallibiliter adhæretur & creditur, esse illum Hæreticum, docent idem Sanch. & Malder. ed, quod manifesta sit hæresis, sentire rem seu articulum fidei sufficienter, ut talem

sibi propositam, non esse dignam, quæ creditur; talem verè actum moraliter semper esse conjunctum cum dubitatione circa res fidei, utpote qui bene stat cum dictâ suspensione fidei, tradunt iidem, quia & necessariò illum debere haberet, ut quis verè dicatur de illo objecto peccaminosè dubitare, & sic nunquam dari posse dubium, sine positivo actu & errore astruit, Castrop. tr. 4. d. 3. p. 2. n. 10. unde absolvè n. 9. docet, tenendam tanquam communem, esse Hæreticum, qui deliberatè dubitat de rebus fidei sibi sufficienter propositis, pro quo citat c. 1. b. t. ubi dicitur: *dubius in fide infidelis est.* Suar. de fide d. 19. s. 4. num. 10. Cöniñck. d. 18. du. 7. concl. 6. num. 102. Bonac. de censur. d. 2. q. 5. p. 1. n. 3. Farin. de Hæresi. q. 178. s. 4. n. 90. & plures alios partim apud Sanch. l. c. num. 11. partim apud Barbos. de potest. Episc. alleg. 40. n. 16.

3. Dicitur secundò: *Voluntarius:* sive liber, sicut enim actus fidei oritur ex pio voluntatis affectu, ita Hæresis est assensus erroneous procedens ex libera voluntatis electione, alioquin peccatum non esset, unde involuntariè & indeliberatè errans, circa res fidei non est Hæreticus, Pith. b. t. n. 1.

4. Dicitur tertio: *Pertinaciter tenet;* si quidem duo requiruntur ad hæresin formalem, nimicum error in intellectu, pertinacia eum non corrigendi in voluntate, & de pertinacia constat ex c. *damnamus.* §. in nullo, de summa Trinitate. junc. Gl. fin. Clem. unic. §. porro eod. can. dixit Apost. Can. qui in Ecclesia caus. 24. q. 1. consistit autem pertinacia in eo, non quod quis acriter seu mordicus diu retineat & defendat errorem suum contra fidem, sed postquam sufficienter cognovit assensum suum contrariari doctrinæ ab Ecclesia universalis seu Catholica, eundem retineat, ac ita iudicium suum contumaciter iudicio Ecclesiæ præferat, Sanch. l. c. n. 2. Valent. 2. 2. d. 1. q. 11. p. 1. difficil. 4. ad 2. Coninck. l. c. n. 78. Valsq. l. 2. d. 126. n. 6. Castrop. l. c. num. 1. Pith. n. 2. ac ita Hæretici non sunt, qui etiæ teneant contrarium fidei, tamen ita actu vel habitu constituti sint, ut quamprimum cognoverint, contrarium teneri ab Ecclesia, parati sint, assensum suum erroneous relinquere, arg. c. *c. damnamus.* junc. Gl. ibid. v. *paratus.* Unde jam etiam non tantum laborans ignorantia invincibili, sed etiam vincibili crastina, & hinc mortaliter culpabili, imò & affectata, suara

suam opinionem adversari doctrinæ Ecclesiæ, Hæreticus non est, neque Ecclesiastici poenis obnoxius, Sanch. l. c. n. 20. Sayr. Clar. Reg. l. 2. c. 9. num. 34. Laym. l. c. 2. tract. I. c. 13. num. 2. Azor. Tom. I. l. 1. inst. mor. c. 14. q. 9. Suar. L. S. 3. à n. 9. Farin. l. c. q. 179. n. 29. & 30. & alii, quos citat & sequitur Castrop. l. c. num. 3. ex ea ratione, quod impossibile sit contradicere autoritatem Ecclesiæ, in quo consistit pertinacia, nisi cognoscat Ecclesiam docere contrarium, cum ignorantia autem, etiam affectata, quæ est causa erroris, non stat talis cognitio, quin etiam dum quis affectat nescire, quod Ecclesia doceat contrarium, ne cogatur assentiri, includitur voluntas obedientiæ Ecclesiæ, ubi id claram fuerit propositum. Neque opponas primò: Affectans ignorantiam, eo quod parvi pendat autoritatem Ecclesiæ, est verè pertinax, quia non est paratus corrigit ab Ecclesia, adeoque verus Hæreticus; nam talis non committit Hæresin per errorem procedentem ex ignorantia affectata, sed per errorem voluntarium procedentem ex scientia, quo despicit autoritatem Ecclesiæ, qui despectus est negotio infallibilis authoritatis illius. Neque secundò, quod affectat errans ex affectu liberius errandi sit error summè voluntarius, adeoque constitutus hæresin. Nam si errans ex affectu liberius errandi scit se errare, & consequenter suum assensum esse contrarium sensui Ecclesiæ, ac consequenter cessat ignorantia succedente illi scientia, si vero ignorat se errare, ita tamen affectus, ut etiamsi sciret, esse contrarium Ecclesiæ, tamen non desisteret, commitit hæresin. Si denique haberet voluntatem relinquendi errorem, si sciret contrarium, non erit Hæreticus, ita Castrop. l. c. n. 4. Neque tertio: Quod ignorantia vincibilis non excusat à peccato in materia aliarum virtutum, nec facit, quod minus sit ejusdem speciei, cuius est peccatum commissum contra eas cum scientia, ergo nec error contra fidem commissus ex dicta ignorantia excusat, quod minus peccetur peccato Hæresis. Nam negatur consequentia, siquidem in eo est disparitas, quod in materia aliarum virtutum non mutetur objectum, sive peccetur contra eas scienter, sive ignoranter, sed mutatur solum modus operandi, dum redditus magis vel minus voluntarius. Secus est in fide, dum illius objectum est divina revelatio proposita per Ecclesiam, quæ in errore commissio ignorantia etiam affectata non potest error ille dici contradicere revelationi illi taliter ignorata, adeoque nec dici habere oppositionem directam cum fide, seu esse Hæresim, sed solum esse contra obligationem sciendi res fidei, ex cuius obligationis contemptu seu neglectu non sequitur, affectat errantem contradicere formaliter (in qua formaliter contradictione consistit Hæresis) sed solum materialiter. Ita ferè Castrop. à cit. num. 4. De cetero in eo, num si taliter errans postquam super errore monitus ab Episcopo vel Inquisitore, perseveret in eo, judicando non esse contra definitionem Ecclesiæ, sit verè formalis Hæreticus, Authoræ non convenient; negat Tanch. l. 2. c. 7. num. 26. affirmat è contra Castrop. l. c. num. 6. talem, tam in foro interno, quam extero reputandum esse pertinacem Hæreticum, eo quod nixus suo cerebro contemnat autoritatem Ecclesiae per ipsius Magistros satis ei declaratam. Quibus omnibus dictis de ignorantia non obstantibus, erranti in fide in foro externo alleganti ignorantiam non creditur, dum error versatur circa ea, quæ quis ex officio scire tenetur, vel quæ passim & communiter omnes similis qualitatis sciunt; un-

de Episcopi, Sacerdotes aliqui Viri docti errantes articulis fidei presumuntur ignorare, non ex ignorantia, sed ex malitia; ita citatis Menochio, Conf. 82. n. 175. Farin. de Hæresi, q. 179. n. 27. & 28. Dcian, in tract. crim. l. 5. c. 37. n. 15. Simonc. de Cathol. Inst. tit. 27. rub. de fide Cathol. n. 13. Castrop. l. c. n. 5. Qui etiam hanc de ignorantia & pertinacia materiam concludens notat n. 6. in fin. cum Sanch. l. c. n. 26. Tolet, in sum. l. c. 4. c. 3. n. 8. & Farin. l. c. §. 2. n. 14. Hominem doctum facilius judicandum pertinacem Hæreticum, si mysteriis fidei differentiat, quam hominem rusticum, qui facile ignorare possit regulas fidei & obligationem credendi.

5. Dicitur quartò: *Contra aliquam veritatem fidei, ubi sub intelligitur: Sufficiens propositionem.* Hæretici enim formales non sunt, qui inter Hæreticos nati & educati de uno vel pluribus articulis dubitant, aut eos ignorant, quia carent sufficiente instructione, aut quia de iis nunquam quidquam audierunt. Dicitur quinto: *Etiam contra aliquam veritatem,* nam si omnes seu totum testamentum novum negent, non tam hæreticus quam Apostata, & infidelis est, ut Sanch. l. 2. mor. c. 7. n. 1. Pith. b. t. num. 3. Satis autem est, ut si Hæreticus, si unum neget; cum enim inter alios articulos fidei principialis sit, cuius negatio constituit Hæreticum pertinacem: veram Ecclesiam in cunctis dogmatibus fidei proponendis infallibilem & certam esse, & vel in uno articulo errans culpabiliter, hunc ipsum articulum neget, necesse est, Hæreticum esse.

6. Dicitur denique: *Homo Baptizatus:* vel ut alii, qui Christi fidem semel suscepit: intelligi-
fusam in Baptismo. Etsi enim talis errans circa articulum fidei debitè propositum, sit Hæreticus coram Deo, habeaturque etiam pro tali, ut constat in Anabaptistis, qui etiam ante Baptismum, quem non nisi anno 30, suscipiunt, censentur Hæretici (propter quod alii ut Castrop. has particulas in definitione Hæresis omittunt) non est tamen Hæreticus punibilis ab Ecclesiæ, cum fundamentum omnis jurisdictionis Ecclesiæ sit Baptismus, ut Suarez. de fide. d. 19. s. 5. n. 6. & 8. Quidquid sit de hoc, num talis error appellandus sit Judaismus aut Paganismus, ut volunt aliqui. Et ita docent. Azor. p. I. l. 8. c. 9. q. 3. Suar. l. c. & Tom. 5. de censuris. d. 21. t. 2. n. 4. Sanch. l. c. n. 34. Castrop. l. c. n. 20. Farin. l. c. à n. 128. 131. & 135. referens quam plurimos alios, tenendumque id ipsum cum Sanch. & Suar. cit. ll. astruit Castrop. dum Baptismus suscepimus quidem, sed invalidè ex defectu formæ, materiæ, vel intentionis, eo quod Baptismus invalidus recipiēt non constitut membrum Ecclesiæ visibilis, neque subiectat illum Jurisdictioni Ecclesiæ. Contrarium tamen apud eundem sententibus Gabr. in 4. dist. 13. q. 2. a. 10. Alph. de Castro l. 1. de justa Hæret. punit. Azor. l. c. q. 1. Farin. l. c. §. 6. n. 135. eo quod talis invalidè baptizatus ex voluntate sua videatur subjectus & obligatus parere mandatis Ecclesiæ.

Quæst. 149. Ad dissentiens speciali revelationi sit hæreticus punibilis ab Ecclesiæ?

1. R Esp. Primò: Dissentiens speciali revelationi sibi sufficienter proposita esse Hæreticum, docent Autor. l. c. q. 4. Suar. de fide. l. c. num. 11. Cönnick. d. 18. du. 7. n. 18. Sanch. l. c. num. 32. referens alios, quibus adhæret Castrop. l. c. n. 14. ex ea ratione, quod tota malitia Hæresis consistat in contemptu primæ veritatis, qui autem discredit speciali